

Guangjisi Minzcu Bau

ganbhau: CN45-0036 B.2016 Nd.2 Ng.17 liggaeuq bingjsaen nienz ndwencieng cocib

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3211期

Swcigih Fucujsiz Vangz Siyungj Ndwencieng Ngonzyawj Camnai Swcigih Minzveij (Cunghgyaugiz)、Minzyijveij Ganbu Cizgungh

自治区副主席黄世勇春节看望慰问自治区民委(宗教局)、民语委干部职工

Bonjbauq siusik (gicej Liengz Cingz) 2 nyied 14 hauh banhaet, ndwencieng hwnjban ngoenz daih' it, swcigih fucujsiz Vangz Siyungj youz Swcigih Yinzminz Cwngfuj fumisuh-cangj Vuz Gensinh daengj dox-buenx, bae daengz Swcigih Minzveij (Cunghgyaugiz)、Minzyijveij ngonzyawj camnai ganbu cizgungh sam aen bumwnz neix, caemhcaiq caeuq Swcigih Minzveij (Cunghgyaugiz)、Minzyijveij gyoengq lingjdauj, vej gihgvanh gak cusiz caeuq cizsuz danhvei cujyau bouxfucwz naenghdamz doxgyau.

Youq gwnz hoihnaenghdamz, Vangz Siyungj daiqbiuj Swcigih Yinzminz Cwngfuj yieugq gyoengq ganbu cizgungh youq Minzveij (Cunghgyau)、Minzyijveij guh hong haenx baiqnienz, hoh daihgva guh hong swnhleih, ciengmoq angqyangz.

Vangz Siyungj cungfaen haengdingh le gij hong Minzveij (Cunghgyaugiz)、Minzyijveij bi' gvaq guh baenz haenx, haenh gij hong sam aen bumwnz bi' gvaq guh ndaej miz cauxmoq、miz diemjrongh、miz gunghen hungloet.

Vangz Siyungj naeuz, gij hong minzcu、minzyij、cunghgyau dangq-naj miz seizndei、miz deuqnyex, daengzcog ronghsag. De muengh Swcigih Minzveij (Cunghgyaugiz)、Minzyijveij doiq gij hong ndaw bi moq aeu miz saenqsim、miz banhfp、laemxsim guh ndaej baenz. De muengh sam aen bumwnz aeu ra dawz vwndiz、yung hndei cwngcwz、comz rengz bae guh, aeu guh ndei faenh hong bonjfaenh, gaij ndei gij yaez bonhfaenh, gyagiengz guh hong senhconz.

Vangz Siyungj lij bae cazyawj le

Guengjsae Saujsu Minzcu Gujeiz Bangunhsiz caeuq ndangdaenj minz-cuz Swcigih Minzveij soucomz haenx, doiq hong baujhoh Guengjsae saujsu minzcu gujeiz caeuq vwnzva guh le youqgaenj ceijyinx.

Swcigih Minzveij、Minzyijveij dangcuj suhgi、cujiy Lu Yenbenj daiqbiuj Swcigih Minzveij (Cunghgyaugiz)、Minzyijveij sam aen bumwnz yieugq Vangz Siyungj fucuj-siz guh le guhhong veibau.

Luz Yenbenj naeuz, gij hong sam aen bumwnz aeundaen mbangj cingzcik, hoeng lij miz mbangj vwndiz: It dwg siengnaemj yisiz riengz mbouj hwnj hingzsei hwngfat yaek yung haenx; ngeih dwg cienngaenz mbouj gaeuq yung, gengoeh mbouj ak; sam dwg hong doicaenh diegguhyiengh minzcu doxgiet guh ndaej lij caengz gaeuq ndei.

SIUSIK DINJ

简讯

● Gaenh geij bi neix daeuj, vih caenh' itbouh daezsang boux-guhnaz gohyoz ndaemnaz suijsingz, Gunghcwngz Yauzcu Swciyen nungzyez bumwnz baengh yangz-gvagh gunghcwngz、gihcwngz nungzgi doigvangq hanghmoeg、sinhhingz bouxgunnaz cauxnieb beizyin daengj cungdenj hanghmoeg, doiq bouxgunnaz guh ndaem faexmak、guenjhoh byaek、ndaem bwnhfoed daengj gisuz beizyin, cujciz nungzgi yinzyenz haeu daengz gyang naz gyang reih, aeu saenqsik gisuz baenzfouq son hawj bouxgunnaz.

(Liengz Veih)

● 2 nyied 13 hauh, Cauhbingz Yen Vangzyauz Cin Sinhcai Cunh vunzlai youq gwnz bya nyaengq vat gumzfaex, caepcawq ndaem faex. Ndwencieng geizgan, Cauhbingz gak dieg haujlai vunz leihyung dienheiq ndit ndei, hwnj bya cingileix diegnamh vat gumz, vih bi moq ndaem faex caux ndoeng guh ndei caepcawq.

(Vangz Sihuz)

● 2 nyied 9 hauh, Lingzyinz Yen Gyahyouz Cin Yanghlij Cunh vunzlai gag cujciz hoihfwen angq-hoh ciengmoq cietndei daeuj-daengz. Gungh miz Lozyez、Fung-san、henzgyawj yanghcin daengj 200 lai boux canghfwen Bouxcuengh daeuj camgya hoihfwen doiqfwen, miz 5000 lai boux bouxyawj daeuj yawj, yienhciegz nauhyied raixcaix.

(Siuh Fazlingz)

● 2 nyied 13 hauh, Lungzswng Gak Cuz Swciyen Bingzdwngj Yangh Gvangjnanz Cunh banh ciet vwnzva laeuzgyong. Hozdung neiyungz lai cung lai yieug, yinx gak dieg hekyouz fanh lai boux bae yawjngonz. Beixnuengx Duncuz daenj buhvaq Duncuz moqsag lwenqda, ndwn youq song henz roen baihnaj mbanj, boq aenvenz angqoux gak dieg hekyouz daeuj-daengz.

(Lungz Cwng)

● 2 nyied 13 hauh (Liggaueq ndwencieng coroek), Cenzcouh Yen Myaudouz Cin "hoh cieng cibngux" minzsuz hozdung hainduj yienj, bae hozdung neix banh 10 ngoenz. Geizgan gak mbanj cungj banh ndawbiengz vwnzyi baijyienj、citheiq cienciengz yienjok、fouxlungz fouxsaeciej daengj minzsuz biujyienj, vih vunzlai yienj conzdung minzsuz vwnzva ndei yawj.

(Vangz Swhcang)

Lungzswng: Beixnuengx Duncuz Haiguh Conzdungj Hoh Ciengmoq Hozdung



龙胜:侗族群众开展 传统闹新春活动

2 nyied 13 hauh (Liggaueq ndwencieng coroek), Lungzswng Gak Cuz Swciyen Bingzdwngj Cin Gvangjnanz Mbanjdung haiguh fanh vunz hoh cieng hozdung conzdungj, beixnuengx Duncuz yung eu Fwendung、foux lungzfiengz、aenvenz caijdangz caeuq gofoux bizbaz daengj daegbied fuengsik angqhouh ciengmoq cietndei, doengzseiz hainduj le bi moq seizcin dajndaem swngcanj. Ndaw doz dwg hozdung yienhciegz.

(Yangz Gvanghcu/杨光足)

Cungzcoj Gosi《Cungzcoj Gyaendei》Banjavahuengh Loegguh Guhsat

崇左市市歌《美丽崇左》壮语版录制完成

Vihliux fungfouq vwnzva saedcej daengx si saujsu minzcu vunzlai, doidoengh hong vah minzcu gvangjbo yingjsi byaij hwnj mbaek lae moq, daj bi 2105 ndwen 10 hainduj, Cungzcoj Si Minzyijveij haenqrengz dajcaux buek Vahuengh yingjaem cozbij mboujdan miz daegsaek bonjdieg Cungzcoj youh miz itdingh yingj-

yangliz he. 《Cungzcoj Gyaendei》 dwg Cungzcoj Si sigoh, daiyaujsing gig gvangqlangh caeuq yingjyangzli haemq ak, ndigah Cungzcoj Si Minzyijveij aeu 《Cungzcoj Gyaendei》 Banjavahuengh guh Vahuengh yingjsi cozbij cungdenj dajcaux ndawde aen he. Seizneix, hong loegguh gaenq guhsat, caemh-

caiq youq mbangj hozdung sawq-cuengq, yauq gig ndei. Riengzlaeng yaek youq daengx si doigvangq cuengqok, yung de senhconz daegsaek vwnzva minzcu aen si neix, fatyieugz gij cingsaenz daengx si gak cuz beksingq doxgiet haenqguh、roengzrengz cauxnieb.

(Dwng Haijcouh/邓海周)